

## minhaehae:oe' ki 'inhaehae:oe'

'ampowa' ?

SaySiyat 'okay Sangay mam Soma'iS  
ni koko ta'ay Sinawi'an ka banban biyae'  
haseb kinkaboehoel tinal'oemaeh  
haysiya nanaw mam pakSa:o'  
'okay tae'aes 'am ra:wak mam laloehay.  
hina:ong nak wasal ila kin 'i:zo'  
kawaS tohimi' nak in'okay bazae' sowiti' ka hinangihan  
hahabos 'ima hara:i'  
yahi pinobae:aeh Sinibih ray 'ima sa:bongan talobong

minkano'an 'isa:a'!

koko' wa:on 'inay kawaS kaSra:i' paklobihin ray homom 'i:zo'  
maymaybih ma' 'oka' ila ka Sarahrayen  
'isa:a' ray 'ima karpa: homom 'i:zo' 'oka ila ka ra:an.  
hahakaS, tatilihlih, SahSahowiS  
ray ba:la' langi: pahpahangih ka kama tatil'alay  
mamangowip ka 'owazan ka kawaS hahila:  
pawa:i' ka ba:yoS ki' 'abe' 'a'oral talihpong 'inoka SaySiyat a ra:an  
kapowa'en Sikmamasan am raraylis ka 'a'owaz a 'aza'  
pakSikar ka mae'iyah a tomal

ka'inhaehae:oe'an!

katehtel 'inay ralom mowa:i' konibihin ray wasal 'i:zo'  
'isa:a' tinonon kayba:en Sa'iSin 'ima Sa'rem: hinoba:ang  
rara:waS ki wasal, minminkelhang ray 'ima 'aewhay kaSpi'  
tomopa:, marke:, SaSa'i:  
ka tononan taew'an 'aewra'i:in malbel ila  
'ima 'alotihan SaySiyat paksiblaehan ila ka koko:ol  
Sararakis saze:ez ka haleb noka habon kabih

minhaehae'oe' 'ima Sa:boe' ray wasal Siyobokan  
toliyab naehan

'ampowa'?

'ima mantete: hima' pakisa'oe' ila ka 'oeso'  
ma' maybih ka pinaehrahangan  
'ima kayzaeh ila hinowar 'am pak'a'oetoe' naehan  
taSihima' ani! hiza ima 'i:zo' Sinobae:oehan  
So 'amkay narmeS ka 'ima SaSo' poSiyan  
'isa:a' bazbazae' ka 'ima tatini'an tinortoro'  
rara:am ray kapa:tol pinatinekla'  
maray koko:ol 'inay kawaS pinay wasal

## 失望與期待

為什麼？

賽夏人無止無盡的縫補  
達隘所撕裂的山棕葉  
五個世紀  
仍在迎薦供奉  
舞圈裡未曾休止的娛悅。  
祈求贖罪已如海般深沉  
蒼天默然彷彿未聞一絲泣語  
是祭品沾了泥污  
還是盛酒以起霉杯子

竟然如此！

雷女從天上下凡又遭逼迫回到雲裡  
悔恨已得不到倚靠  
因此在濃霧裡失去了方向。  
相互嫉妒，彼此欺凌，互瞧不起  
在溪流旁讓示信者一再垂淚  
一再地遺忘祈天的日子  
且延颶風攬暴雨地阻絕賽夏之路  
為何又公然搶奪祈天祭司一職  
令人恥笑不已

盼望期待！  
織女從水裡來又被推回海中  
於是編織的衣裳縫上厭惡圖案  
遙遙與海，時時驚醒於惡夢  
炫耀的，吝嗇的，計較的  
織布房已遭蟲蛀而傾倒  
而赤身裸體的賽夏羞紅山脈  
且仰頸注目彩虹彼端  
冀望沉入海裡的賽夏族服  
再度浮現

為什麼？  
顫抖的手將芒草打了死結  
是後悔於那約定  
已然清晰明朗復再使之混濁  
接納吧！那深沉的報復  
若無法忍受新的禁忌  
就細細聆聽古老的訓誨  
從而解讀歌曲裡的忠告  
從深山 從蒼穹 從海洋